

Hs. 2, 133 VON DEM TEÜFFEL VND DEM MÜNCH.

Hs. 2, 134

Hs. 2, 135

5

Hs. 2, 136

Das er mit gutem frumen
 Aus dem stock was kummen.
 Er sprach: wie seit ir aus kummen?
 Oder wer hat euch aus genummen
 All aus des apptes banden,
 Do ir mit großen schanden
 Wurt dar ein bracht
 Gestern zu nacht?
 Der münich sprach: ir ligt,
 Daß ir mich sus betrigt.
 Waß solt ich gestern han gethan,
 Das man mich in den stock solt han?
 Erlaßt mich der großen schanden!
 Euch wirt von mein handen
 Ein großer slack geslagen.
 Ir mugt eyn jar da von sagen.
 Der kuster snellichen lieff
 Auff das slaffhaus vnd rieff
 Mit einem großen schalle:
 Wol auff, ir munich alle,
 Vnd helft mir den behalten,
 Der durch sein groß schalcken
 In den stock wart bracht

1. Nach dem register bl. 1^d ergänzt. 2. Die ersten blätter sind in der
 hs. 2 ausgerißen.

- Gestern zu nacht,
 Wie er dar aus sey kmmen!
 Do das die munich vernamen,
 Ir was keiner so laß,
 5 Er hub sich dester baß.
 Der apt der aller vorderst ginge.
 Den munich er bey der kappen vinge.
 Er sprach: wer hat euch erlost?
 Ir sult dar zu sein getrost,
 10 Der himel valle dan da nider,
 Ir müest jn den stock wyder.
 Er sprach: her, her apt,
 Hs. 2, 136^b Das es got sey geclagt!
 Weiß zeyhet ir mich?
 15 Ich sprach trewn, das ich
 Vmb die red nit entweiß.
 Da fur trag ich das eysen heyß.
 Der apt sprach: es ist enwicht.
 Mit der red schafft ir nicht.
 20 Ir wert sein noch bericht,
 Ee wir vns scheiden.
 Aber mit den armen beyden
 Mit gewalt furten sie jn
 Zu der brysavn hin.
 25 Do sie komen fur das tor,
 Dennoch warn die sloß vor,
 Da mit die tür was zu getan.
 Den apt wundern began,
 Wie er aus dem stock wer kummen
 30 Oder wer jn dar aus het genummen.
 Die tur wart auff gethon.
 Sie hießen den munich hin eyn gan.
 Sie gaben jm smeliche wort.
 Den munich sahen sie siczen dort,
 35 Ein andern munich in dem stock,
 Beyde an antlicz vnd an rock

17. Vgl. Hagens gesammtabenteuer 2, 369. Haupts zeitschr. 8, 89. Hoffmanns Wiener hss. s. 95.

An allen dingen sicherlich.
 Der apt zu dem munich kert sich.
 Er sprach: dünckt euch als mich,
 So sprich ich vff meyn orden,
 5 Auß eim münich sein zwen worden.
 Die munich alle jahren,
 Daß sie gleicher nye gesehen
 In der werlt zwen man.
 Rat bald, waz gen wir an?
 10 So sprach der apt hie mit.
 So gebeut ich vnde bit
 Bey dem lebendigen got,
 Hs. 2, 136^c Daß ir seyt bey meim gebot.
 Beyde last sie werden schein,
 15 Wie gleich sie ein andern sein.
 Do er sie beyd beswuer,
 Der teuffel aus dem stock fur.
 Er sprach: ir rechten torn,
 Vnd het ir eßels orn,
 20 Ir wert vmmer eßel gnuck.
 Her, her apt, ir seyt so clueg,
 Diß closter ist mich wol bericht.
 Ir kent ewr eygen münch nit.
 Der apt sprach: das ist war.
 25 Sie mochten beyd eyn ganz jar
 Vor mir haben geseßen,
 Beyde truncken vnd geßen,
 Daß ich entwest vff meyn ere,
 Welcher einer vor dem andern were.
 30 Der teuffel lacht vnd fur von dann.
 Der apt trawrn began.
 Vnd die münich alle gemeine,
 Daß sie dem münch keine
 Schuld hetten gegeben.
 35 Sie sprachen, solt er kein weyl leben,
 Sie wolten jn sein ergetzen wol so,
 Daß er ymer mocht wesen fro.

- Er sprach: hie an leyt kein not.
 Ich hon es gern geliden durch got.
 Er gedacht aber jn seinem muet:
 Es mag noch alles werden guet.
- 5 Vnd mag werden gut rat,
 Seyt es sich also geschanczt hat.
 Da mit die samnung verging.
 Hort, wie der münch an fing,
 Wie er moln began
- 10 Vnd eyn materig gewan,
 Hs. 2, 136^a Wo der teuffel solt sten,
 Daß behut er ymer me.
 Er molt jm eyn krone
 Stolcz vnd vil schone,
- 15 Die stund jm wol von golde.
 Da mit der munch wolde
 Des lasters sich bewarn me,
 Daß jm was gescheen e.
 Hie bey rat ich eynen icklichen man,
- 20 Daß er gedenck dar an,
 Wie der münch wart bericht
 Vnd begreiff sich nit
 Mit einem vngetrewen man,
 Wan do leyt nit frummen an.
- 25 Mich dunckt jn meym synne,
 Er mag dar an nit gewinnen
 Weder er noch frummen.
 Es mogt wol darczu kummen;
 Daß eyn man wurd beladen
- 30 Mit schanden vnd mit schaden.
 Wem das mer misheytt,
 Daß ich iczunt han geseyt,
 Daß er mich also laß frey
 Vnd sag eyn anders, dās beßer sey!
- 35 Hie mit ent sich das mer
 Vnd heist der munch moler.
 Da mit sey gnuck geseyt
 Ffur ein ganz warheytt.